



Službeni glasnik OPĆINE OLOVO

Godina XVII

Broj: 9

Olovo, 22.08.2013.g.

Na osnovu člana 6. i člana 61. Zakonom o ustanovama ("Službeni list R BiH", broj: 6/92, 8/93 i 13/94), člana 54. stav 3. Zakona o zdravstvenoj zaštiti ("Službene novine Federacije BiH", broj 46/10) i člana 13. alineja 16. Zakona o principima lokalne samouprave u Federaciji BiH ("Službene novine Federacije BiH", broj: 49/06), Općinsko vijeće Općine Olovo, na svojoj IX redovnoj sjednici, održanoj dana 12.08.2013. godine, d o n o s i

ODLUKU

O POTVRĐIVANJU PRAVA OSNOVAČA JAVNE USTANOVE DOM ZDRAVLJA OLOVO

I - UVODNE ODREDBE

Član 1. (Osnivač)

Općinsko vijeće (u daljem tekstu: Osnivač) je Osnivač Javne ustanove Dom zdravlja Olovo, koja je osnovana u cilju obavljanja primarne i specijalističko-konsultativne zdravstvene zaštite na području općine Olovo.

Ovom Odlukom vrši se, potvrđivanje prava osnivača i usklađivanje poslovanja i organizacije Javne ustanove Dom zdravlja Olovo sa odredbama Zakona o zdravstvenoj zaštiti ("Službene novine Federacije BiH", broj 46/10)(u daljem tekstu: Federalni zakon).

II - NAZIV, SJEDIŠTE, STATUS I DJELATNOST

Član 2. (Naziv i sjedište)

Javna ustanova Dom zdravlja Olovo nastavlja sa radom i poslovanjem pod nazivom: JAVNA USTANOVA DOM ZDRAVLJA OLOVO (u daljem tekstu: JU Dom zdravlja Olovo).

Sjedište JU Dom zdravlja Olovo je u Olovu ulica Branilaca Olova bb.

Član 3. (Status)

JU Dom zdravlja je Javna ustanova u državnoj svojini.

JU Dom zdravlja ima svojstvo pravnog lica i upisan je u sudski registar kod nadležnog suda u Zenici.

Član 4. (Djelatnost)

Djelatnost JU Dom zdravlja prema Odluci o klasifikaciji djelatnosti u Bosni i Hercegovini ("Službeni glasnik BiH", broj 47/10) obuhvata:

- 86.21 Djelatnost opće medicinske prakse,
- 86.22 Djelatnost specijalističke medicinske prakse,
- 86.23 Djelatnost stomatološke prakse,
- 86.90 Ostale djelatnosti zdravstvene zaštite
- 63.11 Obrada podataka

JU Dom zdravlja može obavljati i druge neupisane djelatnosti koje služe obavljanju djelatnosti koje su upisane u sudski registar, ako se one u manjem obimu ili uobičajeno obavljaju uz upisane djelatnosti.

Djelatnost JU Dom zdravlja je pružanje zdravstvene zaštite stanovništvu, osiguranicima na području Općine Olovo u sklopu zdravstvene djelatnosti na primarnom nivou i specijalističko-konsultativne zdravstvene zaštite koja shodno Federalnom Zakonu o zdravstvenoj zaštiti obuhvata:

- djelatnost porodične medicine,
- djelatnost zdravstvene zaštite djece,
- djelatnost polivalentnih patronažnih sestara u zajednici,
- higijensko-epidemiološka zaštita,
- hitnu medicinsku pomoć,
- zaštitu reproduktivnog zdravlja žena,
- zdravstvenu zaštitu kod nespecifičnih i specifičnih plućnih oboljenja,
- fizikalnu i mentalnu rehabilitaciju u zajednici,
- specifičnu zdravstvenu zaštitu radnika, kao i dio medicine rada, ako je ugovorena sa poslodavcem,
- zubozdravstvenu zaštitu,
- laboratorijsku i radiološku dijagnostiku primarnog nivoa,
- praćenje zdravstvenog stanja stanovništva i provođenje mjera za zaštitu i unapređenje zdravlja stanovnika,
- prevenciju, liječenje i rehabilitaciju bolesti i povreda,
- otkrivanje i suzbijanje faktora rizika masovnih nazaranih bolesti,
- specifičnu preventivnu zdravstvenu zaštitu mladih, naročito u osnovnim i srednjim školama, te visokim školama na svom području,
- imunizaciju protiv zaraznih bolesti,
- liječenje i rehabilitacija u kući,
- palijativnu njegu.
- specijalističko-konsultativnu zdravstvenu zaštitu.

Precizniji poslovi koji obuhvataju specijalističko – konsultativnu zdravstvenu zaštitu razraditi precizno Statutom JU Dom zdravlja, a u skladu sačlanom 39. stav 3. Zakona o zdravstvenoj zaštiti.

Član 5.

Poslovi i zadaci u okviru JU Dom zdravlja obavljaju se unutar sljedećih službi:

1. Službe ambulate porodične medicine,
2. Služba hitne medicinske pomoći,
3. Služba za zdravstvenu zaštitu djece,
4. Specijalističko – konsultativna služba,
5. Služba polivalentne patronaže sestara u zajednici,
6. Higijensko – epidemiološka služba,
7. Služba za zaštitu reproduktivnog zdravlja žena,
8. Služba za zaštitu kod nespecifičnih i specifičnih plućnih oboljenja,
9. Služba za fizikalnu i mentalnu rehabilitaciju u zajednici,
10. Služba za zdravstvenu zaštitu radnika kao dio medicine rada, ako je ugovorena sa poslodavcem,

11. Služba za polivalentnu zubozdravstvenu zaštitu
12. Služba laboratorijske i radiološke dijagnostike primarnog nivoa,
13. Služba za prave i opće poslove
14. Službaraćunovodstva i finansija

Član 6.
(Promjena djelatnosti)

JU Dom zdravlja ne može promijeniti ili proširiti svoju osnovnu djelatnost iz člana 4. ove Odluke bez saglasnosti nadležnog ministra zdravstva, a shodno odredbama Zakona o zdravstvenoj zaštiti u Federaciji BiH.

III – SREDSTAVA ZA RAD, OBJEKTI, OPREMA DOMA I ODNOS PREMA OSNIVAČU

Član 7
(Sredstava za rad)

Sredstava za rad i razvoj JU Dom zdravlja ostavaruje na slijedeći način:

- Ugovorom sa Zavodom zdravstvenog osiguranja Kantona ili Federacije,
- Ugovorom sa nadležnim ministarstvom zdravstva koji se na osnovu zakona finansiraju iz budžeta kantona, odnosno Federacije,
- Ugovorom na osnovu proširenog i dobrovoljenog zdravstvenog osiguranja,
- Iz sredstava osnivača u skladu sa Zakonom,
- Iz sredstava budžeta Federacije, Kantona odnosno Općine,
- Iz učešća korisnika zdravstvene zaštite u pokriću dijela ili ukupnih troškova zdravstvene zaštite,
- Slobodnom prodajom usluga na tržištu,
- Iz drugih izvora na način i pod uslovima određenim zakonom, aktom o osnivanju i statutom zdravstvene ustanove

Član 8.
(Objekti i oprema)

Na zemljištu i objektima JU Dom zdravlja Olovo osnivač Općina Olovo ima pravo raspolaganja, a JU Dom zdravlja Olovo trajno pravo korištenja u svrhu djelatnosti za koju je registrovana, sve dok se isto koristi za tu svrhu.

Oprema je svojina JU Dom zdravlja Olovo.

Član 9.
(Zakup)

JU Dom zdravlja može dio svojih zdravstvenih i nezdravstvenih kapaciteta (prostora i opreme) izdati u zakup, ukoliko to ne remeti obavljanje njene registrovane djelatnosti.

Upravni odbor zdravstvene ustanove, uz predhodno pribavljeno pozitivno mišljenje kantonalnog ministra zdravstva, svake kalendarske godine utvrđuje višak prostora u kojem se obavlja zdravstvena djelatnost, kao i višak nezdravstvenog prostora.

Postupak dodjele u zakup utvrđenog viška prostora provodi se shodno odredbama Zakona o zdravstvenoj zaštiti F BiH i Pravilnika o bližim uvjetima i postupku davanja u zakup kapaciteta zdravstvenih ustanova, kao i vrsti kapaciteta zdravstvenih ustanova koji se mogu dati u zakup („Službene novine F BiH“, broj 22/12)

Član 10.
(Odgovornost i odnos prema osnivaču)

JU Dom zdravlja odgovorna je Osnivaču za rezultate svog rada i djelovanja.

Obaveze JU Dom zdravlja prema Osnivaču su:

1. Da pribavi saglasnost Osnivača kod svih statusnih promjena Doma zdravlja,
2. Da pribavi saglasnost Osnivača kod donošenja Statuta i izmjena i dopuna Statuta JU Dom zdravlja,
3. Da najmanje jednom godišnje podnosi Osnivaču izvještaj o radu i finansijskom poslovanju JU Dom zdravlja,
4. Druge obaveze utvrđene osnivačkim aktom, statutom i zakonima koji regulišu oblast zdravstvene zaštite i rada javnih ustanova.

Član 11.

Precizniji odnosi između Osnivača i JU Dom zdravlja bit će regulisani Statutom JU Dom zdravlja, a u skladu sa Zakonom i aktom o osnivanju.

IV – AKTI USTANOVE

Član 12.

Akti zdravstvene ustanove su statut i drugi opšti akti.

Statut je osnovni opšti akt JU Dom zdravlja Olovo kojim se uređuje:

- 1) Naziv, sjedište i adresa osnivača,
- 2) Naziv i sjedište JU Dom zdravlja,
- 3) Djelatnost zdravstvene ustanove,
- 4) Iznos sredstava za osnivanje i početak rada ustanove i način obezbjeđenja sredstava,
- 5) Izvore i načine obezbjeđenja sredstava za rad ustanove,
- 6) Način raspolaganja viškom prihoda nad rashodima i način na koji se pokriva višak rashoda nad prihodima,
- 7) Prava i obaveze osnivača u pogledu obavljanja djelatnosti zbog koje se ustanova osniva,
- 8) Međusobna prava i obaveze ustanove i osnivača
- 9) Organe upravljanja ustanove i njihova ovlašćenja
- 10) Stručna tijela ustanove, mandat članova stručnih tijela, način izbora i finansiranje,
- 11) Lice koje će do imenovanja direktora ustanove obavljati poslove i vršiti ovlašćenja direktora,
- 12) Rok za donošenje statuta, imenovanje direktora i organa upravljanja,
- 13) Druga pitanja od značaja za rad ustanove.

Statut JU Dom zdravlja podliježe obaveznoj saglasnosti osnivača.

V – ORGANI UPRAVLJANJA I RUKOVOĐENJA I STRUČNA TIJELA

Član 13.
(Upravni odbor)

JU Dom zdravlja upravlja upravni odbor.

Upravni odbor JU Dom zdravlja koja je u svojini opštine ima tri člana i čine ga predstavnici:

- Osnivača – jedan član,
- Stručnih radnika zdravstvene ustanove – jedan član,
- Kantonalnog ministarstva – jedan član,

Predsjednika i članove upravnog odbora JU Dom zdravlja imenuje i razrješava općinsko vijeće, na prijedlog općinskog načelnika.

Bliže kriterije za imenovanje u upravni odbor JU Dom zdravlja u svojini opštine utvrđuje općinsko vijeće, na prijedlog općinskog načelnika.

Članstvo u upravnom odboru odražavat će ravnopravnu zastupljenost oba pola.

Mjesečnu naknadu za rad predsjednika i članova upravnog odbora JU Dom zdravlja utvrđuje općinsko vijeće na prijedlog načelnika.

Naknade za rad upravnog odbora biće isplaćene iz sredstava zdravstvene ustanove.

Predsjednik i članovi upravnog odbora JU Dom zdravlja dužni su potpisati izjavu o nepostojanju sukoba interesa prije preuzimanja funkcije.

Predsjednik i članovi upravnog odbora JU Dom zdravlja imenuju se u proceduri u skladu sa propisima o ministarskim, vladinim i drugim imenovanjima u Federaciji.

Način izbora, opoziva i mandat članova upravnog odbora JU Dom zdravlja, vrši se u skladu sa propisima o ustanovama, ako ovim zaknom nije drugačije određeno.

Osnivač je dužan da, 60 dana prije isteka mandata predsjedniku i članovima upravnog odbora, provede aktivnosti oko imenovanja novog upravnog odbora po propisanoj proceduri.

Član 14.

(Djelokrug rada upravnog odbora)

Djelokrug rada upravnog odbora JU Dom zdravlja podrazumijeva slijedeće:

- Donošenje statuta ustanove,
- Imenovanje i razrješavanje direktora odnosno v.d. direktora ustanove
- Utvrđivanje planova rada i razvoja ustanove,
- Utvrđivanje godišnjeg programa rada,
- Donošenje finansijskog plana i usvajanje godišnjeg obračuna,
- Donošenje opštih akta o unutrašnjem uređenju i sistematizaciji poslova i druge opšte akte, u skladu sa zakonom i statutom ustanove,
- Odlučivanje o svim pitanjima obavljanja djelatnosti radi kojih je ustanova osnovana, ako zakonom nije određeno da o određenim pitanjima odlučuje drugi organ ustanove,
- Usmjeravanje, kontrolisanje i ocjenjivanje rada direktora,
- Rješavanje svih pitanja odnosa s osnivačem,
- Odlučivanje o korištenju sredstava preko iznosa utvrđenog statutom ustanove,
- Odgovaranje osnivaču za rezultate rada ustanove,
- Odlučivanje o prigovoru zaposlenika na rješenja kojim je drugi organ, određen statutom ustanove, odlučio o pravu, obavezi i odgovornosti zaposlenika iz radnog odnosa,
- Podnošenje osnivaču najmanje jedanput godišnje izvještaj o poslovanju ustanove,
- Obavljanje i drugih poslova u skladu sa zakonom i statutom ustanove.

Član 15.

(Direktor)

Direktor JU Dom zdravlja imenuje se na osnovu javnog oglasa u skladu sa zakonom.

Direktora ustanove imenuje i razrješava upravni odbor ustanove uz predhodnu saglasnost općinskog načelnika.

Shodno Pravilniku o uvjetima u pogledu vrste završenog fakulteta zdravstvenog usmjerenja koje moraju ispuniti osobe koje konkurišu za direktora zdravstvene ustanove („Službene novine“ F BiH, broj 10/12), donošenog na osnovu Zakona o zdravstvenoj zaštiti: Osoba koja konkuriše za direktora Direktor doma zdravlja mora imati završen medicinski ili stomatološki fakultet i jednu od specijalizacija iz okvira djelatnosoti doma zdravlja, ili završen medicinski fakultet sa specijalizacijom iz socijalne medicine, organizacije i ekonomike zdravstva.

Mandat direktora traje četiri (4) godine.

Po isteku mandata isto lice može, na osnovu javnog oglasa, ponovo biti imenovano za direktora u istoj zdravstvenoj ustanovi, ali najviše za još jedan mandatni period.

Član 16.
(v.d. direktora)

Ako direktor ustanove nije imenovan u skladu sa zakonom, u roku od 60 dana od dana isteka konkursnog roka, odluku o postavljenju vršioca dužnosti direktora donosi upravni odbor ustanove.

Vršilac dužnosti direktora postavlja se najduže na period od šest mjeseci.

Vršilac dužnosti direktora ima sva prava i dužnosti direktora.

Član 17.
(Djelokrug rada)

Direktor organizuje i vodi poslovanje, predstavlja i zastupa ustanovu i odgovoran je za zakonitost rada.

Direktor podnosi upravnom odboru pismeni izvještaj o cjelokupnom poslovanju ustanove jednom tromjesečno.

Direktor učestvuje u radu upravnog odbora bez prava odlučivanja.

Član 18.
(Razrješenje direktora)

Direktor ustanove može biti razriješen dužnosti i prije isteka mandata na koji je imenovan.

Upravni odbor je dužan razriješiti direktora i prije isteka mandata za koji je imenovan ako:

- Direktor to lično zahtijeva,
- Nastane neki od razloga koji po posebnim propisima ili propisima kojima se uređuju radni odnosi dovede do prestanka ugovora o radu,
- Ne izvršava ugovorne obaveze prema zavodu zdravstvenog osiguranja Federacije, odnosno kantona,
- Ne provodi program rada i razvoja ustanove koji je donio upravni odbor,
- U obavljanju djelatnosti ustanove nastane neopravdani gubitak,
- U svome radu krši propise i opšte akte ustanove ili neopravdano ne izvršava odluke upravnog odbora ili postupi u suprotnosti s njima,
- Svojim nesavjesnim ili nepravilnim radom prouzrokuje ustanovi veću štetu, zanemaruje ili nemarno vrši svoju dužnost tako da su nastale ili mogu nastati veće smetnje u obavljanju djelatnosti ustanove,
- Nalazom je zdravstvene inspekcije ustanovljena povreda propisa i opštih akata ustanove ili nepravilnost u radu direktora

Ako upravni odbor ne razriješi direktora iz razloga propisanih u stavu 2. ovog člana u roku od 30 dana od dana saznanja za neki od razloga, rješenje o razrješenju direktora donosi nadležni ministar zdravstva.

Protiv rješenja iz stava 3. ovog člana nije dopuštena žalba, ali se može pokrenuti upravni spor.

Upravni odbor mora, prije donošenja odluke o razrješenju, obavijestiti direktora o razlozima za razrješenje i dati mu mogućnost da se o njoj pismeno izjasni.

Član 19.
(Vanredne okolnosti)

U vanrednim okolnostima, ako je ugrožen proces pružanja zdravstvene zaštite ili postoji neposredna opasnost po život i zdravlje ljudi, direktor je dužan o tim okolnostima bez odgađanja obavijestiti nadležno ministarstvo zdravstva i nadležni zavod za javno zdravstvo.

Član 20.
(Stručna tijela)

U okviru JU Dom zdravlja osnovana su posebna stručna tijela i komisije shodno Zakonu o zdravstvenoj zaštiti, a njihov način organizovanja, nadležnosti i sve vezano za iste, ustanova će razraditi statutom ustanove.

Član 21
(Uposlenici ustanove)

Uposlenici JU Dom zdravlja svoja prava ostvaruju u skladu sa zakonom, statutom, kolektivnim ugovorom i drugim općim aktima ustanove.

VI – POSLOVANJE USTANOVE

Član 22.
(Poslovanje ustanove)

JU Dom zdravlja ima pravo da u pravnom prometu sa trećim licima zaključuje ugovore i obavlja i druge pravne poslove i radnje u okviru svoje pravne sposobnosti i registrovane djelatnosti.

Član 23.

Za obaveze u prometu JU Dom zdravlja odgovara cjelokupnom svojom imovinom – potpuna odgovornost. Osnivač je odgovoran za obaveze ustanove u skladu sa zakonima koji regulišu ovu oblast.

Član 24.

Višak prihoda nad rashodima ustanova koristi za obnavljanje djelatnosti.

Višak prihoda na prijedlog direktora ustanove odlukom raspoređuje upravni odbor uz saglasnot osnivača.

VII – PRELAZNE I ZAVRŠNE ODREDBE

Član 25.

Stupanjem na snagu ove Odluke stavlja se van snage Odluka o potvrđivanju prava osnivača Javne ustanove Dom zdravlja Olovo broj: 01-01-3-1210/12 od 15.05.2012. godine.

Član 26.

Stupanjem na snagu ove Odluke JU Dom zdravlja obavezna je izvršiti promjene upisa u sudskom registru kod nadležnog suda, u skladu sa Zakonom i ovom Odlukom.

Član 27.

JU Dom zdravlja, odnosno Upravi odbor ustanove dužan je u roku od 60 dana od dana stupanja na snagu ove Odluke donijeti Statut ustanove u skladu sa ovom Odlukom i Zakonom.

Član 28.

Ova Odluka stupa na snagu danom donošenja.

Broj: 01-01-3-1803/13
Datum, 12.08.2013. godine

PREDSJEDAVAJUĆI
OPĆINSKOG VIJEĆA

Izudin Kućanović, dr. med. s.r.

Na osnovu člana 11. stav 4. Odluke o organizaciji i načinu obavljanja taksiprijevoza putnika na području Zeničko – dobojskog kantona („ Sl. Novine Zeničko – dobojskog kantona „ broj: 6/10) i člana 3.Pravilnika o broju, razmještaju, načinu korištenja, redu i radu na taksistajalištima i rasporedu taksivozila na taksistajalištima na području općine Olovo i člana 18 Statuta Općine Olovo, („Službeni glasnik Općine Olovo“, broj:2/07 i 4/08), Općinsko vijeće na sjednici održanoj 12.08.2013 godine donosi

ODLUKU
o visini naknade za korištenje taksistajališta na javnim površinama
na području općine Olovo

I

Ovom Odlukom određuje se visina godišnje naknade za korištenje taksistajališta.

II

Visina godišnje naknade za korištenje taksistajališta iznosi 50,00 KM.

III

Ova Odluka objavit će se u „Službenom glasniku“ Općine Olovo, a stupa na snagu narednog dana po objavljivanju.

Obrazloženje

Članom 11. Odluke o organizaciji i načinu obavljanja taksiprijevoza putnika na području Zeničko – dobojskog kantona („ Sl. Novine Zeničko – dobojskog kantona „ broj: 6/10) utvrđena je obaveza da se za korištenje taksistajališta na javnim površinama plaća godišnja naknada.

Broj: 01-01-3-2243/13
Datum: 12.08.2013 godine

PREDSJEDAVAJUĆI
OPĆINSKOG VIJEĆA

Izudin Kućanović dr. med. s.r.

Na osnovu člana 26. Zakona o prostornom uređenju ("Službene novine Zeničko Dobojskog kantona" br:2/04), i člana 18. Statuta Općine Olovo («Sl. Glasnik Općine Olovo» br: 2/07 i 4/08), Općinsko Vijeće na sjednici održanoj 12.08.2013 godine d o n o s i

ODLUKU
O izmjeni i dopuni Odluke o usvajanju
Regulacionog plana Olovo-Centar

Član 1.

Ovom Odlukom vrši se izmjena i dopuna Odluke o usvajanju, izmjenama i dopunama Regulacionog plana Olovo-Centar broj;1/2-07-110/89 od 25.09.1989 ("M.S.G. Sarajevo" broj;14/89).

Član 2.

Na području Regulacionog plana Olovo-Centar na parcelama k.p. 376/2 i 376/5 K.O.Olovo novoga premjera, koje se nalaze u Olovu ul. Tuzlanska bb., briše se lokacija za izgradnju parking prostora sa pristupnom saobraćajnicom.

Član 3.

Ova Odluka objavit će se u "Službenom Glasniku" općine Olovo, a stupa na snagu narednog dana po objavljivanju.

PREDSJEDAVAJUĆI
OPĆINSKOG VIJEĆA

Broj: 01-01-3- 2245/13
Datum; 12.08.2013.godine

Izudin Kućanović dr.med. s.r.

Na osnovu člana 26. Zakona o prostornom uređenju ("Službene novine Zeničko Dobojskog kantona" br:2/04), i člana 18. Statuta Općine Olovo («Sl. Glasnik Općine Olovo» br: 2/07 i 4/08), Općinsko Vijeće na sjednici održanoj 12.08.2013 godine d o n o s i

ODLUKU
O izmjeni i dopuni Odluke o usvajanju
Regulacionog plana Olovo-Centar

Član 1.

Ovom Odlukom vrši se izmjena i dopuna Odluke o usvajanju, izmjenama i dopunama Regulacionog plana Olovo-Centar broj;1/2-07-110/89 od 25.09.1989 ("M.S.G. Sarajevo" broj;14/89).

Član 2.

Na području Regulacionog plana Olovo-Centar na parcelama k.p. 511 i 512 K.O.Olovo novoga premjera, koja se nalazi u Olovu ispred objekta „Robna kuća“, ucrta se lokacija za postavljanje natkrivene ljetne bašte dimenzija 5,81 x 154,74 m spratnosti P.

Član 3.

Ova Odluka objavit će se u "Službenom Glasniku" općine Olovo, a stupa na snagu narednog dana po objavljivanju.

PREDSJEDAVAJUĆI
OPĆINSKOG VIJEĆA

Broj: 01-01-3-2244/13
Datum; 12.08.2013.godine

Izudin Kućanović dr.med. s.r.

Na osnovu člana 26. Zakona o prostornom uređenju ("Službene novine Zeničko Dobojskog kantona" br:2/04), i člana 18. Statuta Općine Olovo («Sl. Glasnik Općine Olovo» br: 2/07 i 4/08), Općinsko Vijeće na sjednici održanoj 12.08.2013 godine d o n o s i

ODLUKU

O izmjeni i dopuni Odluke o usvajanju Regulacionog plana Olovo-Centar

Član 1.

Ovom Odlukom vrši se izmjena i dopuna Odluke o usvajanju, izmjenama i dopunama Regulacionog plana Olovo-Centar broj;1/2-07-110/89 od 25.09.1989 ("M.S.G. Sarajevo" broj;14/89).

Član 2.

Na području Regulacionog plana Olovo-Centar na parceli k.p. 509 dio K.O.Olovo novoga premjera, koja se nalazi u Olovu na lokalitetu „Stari zanatski centar“, ispred Cafea „Film“ ucrtava se lokacija za postavljanje natkrivene ljetne bašte u površini od 36 m².
Tačne dimenzije i izgled ljetne bašte odredit će se u Urbanističkoj saglasnosti.

Član 3.

Stupanjem na snagu ove Odluke stavlja se van snage Odluka općinskog Vijeća broj: 01-01-3-204/13 od 29.01.2013 godine

Član 4.

Ova Odluka objavit će se u "Službenom Glasniku" općine Olovo, a stupa na snagu narednog dana po objavljivanju.

**PREDSJEDAVAJUĆI
OPĆINSKOG VIJEĆA**

Broj: 01-01-3-2246/13
Datum; 12.08.2013.g.

Izudin Kućanović dr.med. s.r.

Na osnovu člana 26. Zakona o prostornom uređenju ("Službene novine Zeničko Dobojskog kantona" br:2/04), i člana 18. Statuta Općine Olovo («Sl. Glasnik Općine Olovo» br: 2/07 i 4/08), Općinsko Vijeće na sjednici održanoj 12.08.2013 godine d o n o s i

ODLUKU
O izmjeni i dopuni Odluke o usvajanju
Regulacionog plana Olovo

Član 1.

Ovom Odlukom vrši se izmjena i dopuna Odluke o usvajanju, izmjenama i dopunama Regulacionog plana Olovo broj;1/2-07-110/89 od 25.09.1989 ("M.S.G. Sarajevo" broj;14/89).

Član 2.

Na području Regulacionog plana Olovo na parceli k.p. 386 zv."Bara" K.O.Olovo novoga premjera, koja se nalazi u Olovu ul. Tuzlanska bb, ucrtava se lokacija za izgradnju porodično stambenog objekta dimenzija 11,00x11,00m spratnosti P+2.

Član 3.

Ova Odluka objavit će se u "Službenom Glasniku" općine Olovo, a stupa na snagu narednog dana po objavljivanju.

PREDSJEDAVAJUĆI
OPĆINSKOG VIJEĆA

Broj: 01-01-3-1802/13
Datum; 12.08.2013.godine

Izudin Kućanović dr.med. s.r.

Na osnovu člana 64. Stav 8. Zakona o zdravstvenoj zaštiti („Službene novine F BiH“ broj: 46/10) i člana 18. Statuta Općine Olovo („Službeni glasnik Općine Olovo“ broj: 2/07 i 4/08), Općinsko vijeće na VII redovnoj sjednici održanoj 12.08.2013. godine na osnovu ukazane potrebe, a na prijedlog Općinskog načelnika, d o n o s i

O D L U K U

o produženju mandata Predsjedniku i članovima privremenog Upravnog odbora JU „Dom zdravlja“ Olovo

I

U cilju kontinuiteta rada organa upravljanja i nesmetanog funkcionisanja Ustanove do konačnog imenovanja Upravnog odbora , produžava se mandat Prdsjedniku i članovima privremenog Upravnog odbora JU „Dom zdravlja“ Olovo u sastavu:

1. Ibrahim Hasić, predsjednik
2. Sakiba Hasanspahić, član
3. Miralem Mehanović, član

II

Privremeni Upravni odbor JU „Doma zdravlja“ Olovo, imenovan Rješenjem Općinskog vijeće br: 01-01-3-1694/13 od 04.06.2013. godine, obavljat će svoju dužnost do završetka procedure imenovanja Upravnog odbora od strane Općinskog vijeća, a u skladu sa načelima utvrđenih Zakonom o ministarskim, vladinim i drugim imenovanjima u Federaciji BiH.

III

Odluka stupa na snagu danom donošenja i objavit će se u „Službenom glasniku Općine Olovo“

Broj: 01-01-3-2238/13
Datum, 12.08.2013. godine

**PREDSJEDAVAJUĆI
OPĆINSKOG VIJEĆA**

Izudin Kućanović, dr.med. s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE

Broj: 01-01-3-2240/13
Datum, 12.08.2013. godine

Na osnovu člana 24. Zakona o građevinskom zemljištu („Službene novine Federacije BiH“, broj: 25/03) i člana 18. Statuta Općine Olovo („Službeni glasnik Općine Olovo“, broj: 2/07 i 4/08) Općinsko vijeće Općine Olovo, na sjednici odražanoj dana 12.08.2013.godine donijelo je

R J E Š E N J E

1. Od ranijeg nosioca privremenog prava korištenja zemljišta Biogradlija (Ibre) Abdulaziza iz Tuzle preuzima se neizgrađeno gradsko građevinsko zemljište, radi privođenja trajnoj namjeni označeno kao:
 - Parcela broj 441/1 zvano Alinuša u površini od 80 m² upisano u ZK uložak broj 126 K.O. Olovo na Općinu Olovo sa pravom raspolaganja i Biogradlija Aziza sa privremenim pravom korištenja.
2. Za preuzeto zemljište nosiocu privremenog prava korištenja Biogradlija Abdulazizu pripada pravo na naknadu i ista će biti isplaćena po cijeni od 110 KM/m² shodno Odluci Općinskog vijeća Općine Olovo broj 01-01-3-1756/12 od 25.07.2012. godine o određivanju visine naknade za preuzeto, eksproprisano i dodijeljeno gradskog građevinsko zemljište, što ukupno iznosi 8.800,00 KM (110 KM/m² x 80 m²). Sporazum o isplati naknade između Općine Olovo i Biogradlija Aziza biće sklopljen nakon donošenja ovog rješenja.
3. Zemljišno knjižni ured Općinskog suda Visoko će po pravosnažnosti ovog rješenja brisati upis dosadašnjeg nosioca privremenog prava korištenja Biogradlija Abdulaziza, a izvršiti upis prava raspolaganja u korist Općine Olovo sa 1/1 dijela.

O b r a z l o ž e n j e

Dana 05.06.2013. godine pismenim zahtjevom – ponudom obratio se Abdulaziz Biogradlija iz Tuzle i ponudio Općini Olovo otkup neizgrađenog gradskog građevinskog zemljišta, parcele broj 441/1 zvano Alinuša u površini od 80 m² upisana u ZK izvadak broj 126 K.O. Olovo sa pravom raspolaganja u korist Općine Olovo i privremenog prava korištenja zemljištem u korist Biogradlija (Ibre) Abdulaziza.

Općina Olovo je zainteresovana za otkup zemljišta ponuđenog od strane Biogradlija Abdulaziza u svrhu privođenja istog trajnoj namjeni, te prihvata ponudu imenovanog i preuzima isto, a na osnovu člana 25. Zakona o građevinskom zemljištu F BiH.

Shodno identifikaciji urbanizma, zemljište se nalazi u I građevinskoj zoni i maksimalna cijena zemljišta, shodno Odluci Općinskog vijeća Općine Olovo broj 01-01-3-1756/12 od 25.07.2012. godine o određivanju visine naknade za preuzeto, eksproprisano i dodijeljeno gradskog građevinsko zemljište u I građevinskoj zoni iznosi 110 KM/m².

Kako su se u konkretnom slučaju stekli uslovi iz člana 24. Zakona o građevinskom zemljištu za preuzimanje neizgrađenog gradskog građevinskog zemljišta od Biogradlija Abdulaziza, odlučeno je kao u dispozitivu rješenja.

Protiv ovog rješenja ne može se izjaviti žalba, ali se može pokrenuti upravi spor podnošenjem tužbe kod Kantonalnog suda Zenica u roku od 30 dana od dana dostavljanja rješenja.

Tužba se podnosi neposredno sudu u dva primjerka.

Dostavljeno:

1. Abdulaziz Biogradlija
Husinskih rudara 102 Tuzla,
2. Služba za ekonomske poslove 2x,
3. ZK uredu nakon pravosnažnosti,
4. Katastar,
5. Evidencija,
6. a/a

PREDSJEDAVAJUĆI
OPĆINSKOG VIJEĆA

Izudin Kućanović, dr. med. s.r.

BOSNA I HERCEGOVINA
FEDERACIJA BOSNE I HERACEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE

Broj: 01-01-3-2239/13
Datum, 12.08.2013. godine

Na osnovu člana 24. Zakona o građevinskom zemljištu („Službene novine Federacije BiH“, broj 25/03) i člana 18. Statuta Općine Olovo ("Službeni glasnik Općine Olovo, broj 2/07 i 4/08), Općinsko vijeće Općine Olovo rješavajući po ponudi za otkup objekta Ljilje Aljita broj 01-01-3-1604/13 od 28.05.2013. godine, radi privođenja zemljišta krajnjoj namjeni, na sjednici održanoj dana 12.08.2013. godine, d o n i j e l o j e

R J E Š E N J E

1. Preuzima se **objekat** – poslovna zgrada u privredi u površini od 13 m² od **ranijeg posjednika** Ljilje (Šuaipa) Aljita, izgrađen na gradskom građevinskom zemljištu označen kao parcela broj 508 K.O. Olovo upisan u KK uložak broj 903 na **ime Ljilje (Šuaipa) Aljita kao posjednika**.
2. Za preuzeti objekat Ljilja Aljitu pripada pravo na naknadu u iznosu od 11.098,80 KM.
3. Katastar Olovo će na osnovu ovog rješenja izvršiti brisanje objekta iz KK uloška broj 903 i katastarskih planova, a o istom obavijestiti ZK ured Visoko.
4. Na parceli broj 508 K.O. Olovo u KK ulošku broj 903, a na osnovu ovog rješenja, uknjižiti pravo raspolaganja u korist Općine Olovo.

O b r a z l o ž e n j e

Dana 28.05.2013. godine pismenim zahtjevom broj 01-01-3-1604/13 Općinskom vijeću Općine Olovo obratio se Ljilja Aljit koji živi u Skoplju, Vukovarska broj 11/1-3 Makedonija, za otkup objekta (sajdžijske radnje) od strane Općine Olovo, izgrađenog na parceli broj 508 K.O. Olovo i to za cijenu od 1.000,00 KM/m², odnosno ukupni iznos od 13.000,00 KM za objekat površine 13 m².

Uvidom u KK uložak broj 903 K.O. Olovo na parceli broj 508 u površini od 13 m² evidentirana je poslovna zgrada u privredi u površini od 13 m² i upisan posjednik Ljilja Aljit sa 1/1 dijela.

Uvidom u ZK uložak broj 902 K.O. Olovo na parceli broj 508 u površini od 13 m² nije evidentiran objekat, a pravo raspolaganja zemljištem upisano je na ime Općine Olovo sa 1/1 dijela.

Shodno navedenom utvrđeno je da se radi o privremenom objektu izgrađenom na gradskom građevinskom zemljištu, koji je izgradio i koristio Ljilja Aljit kao sajdžijsku radnju.

S obzirom da se radi o samom objektu koji je predmet preuzimanja pribavljen je Izvještaj o procjeni poslovnog objekta Ljilje Aljita od strane Nijaza Mačka stalnog sudskog vještaka građevinske struke shodno čijoj procjeni tržišna vrijednost objekata iznosi 11.098,80 KM.

Općinsko vijeće prihvata ponudu Ljilje Aljita i preuzima iz posjeda i korištenja objekat izgrađen na parceli broj 508 K.O. Olovo u površini od 13 m², ali po cijeni koju je utvrdio sudski vještak. Shodno zapisniku od 31.05.2013. godine Ljilja Aljit je tražio za objekat 11.500 KM.

Kako su u konkretnom slučaju ispunjeni uslovi iz člana 24. Zakona o gradskom građevinskom zemljištu F BiH za preuzimanje zemljišta iz posjeda i korištenja ranijeg posjednika odlučeno je kao u dispozitivu ovog rješenja.

Protiv ovog rješenja ne može se izjaviti žalba, ali se može pokrenuti upravni spor podnošenjem tužbe Kantonalnom sudu Zenica, u roku od 30 dana od dana dostavljanja rješenja.

Tužba se podnosi neposrednu sudu.

Dostavljeno:

1. Ljilja Aljit,
2. Katastar 2x,
3. Služba za ekonomske poslove 2x,
4. Evidencija,
5. a/a

PREDSJEDAVAJUĆI
OPĆINSKOG VIJEĆA

Izudin Kućanović, dr. med. s.r.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO**

OPĆINSKO VIJEĆE

Broj: 01-01-3- 2241/13

Datum, 12.08.2013. godine

Općinsko vijeće Općine Olovo, rješavajući u predmetu dodjele neizgrađenog gradskog građevinskog zemljišta nakon provedene konkursne procedure, na osnovu člana 44. i 45. Zakona o građevinskom zemljištu («Službene novine Federacije BiH», broj 25/03) i člana 18. Statuta Općine Olovo («Službeni glasnik Općine Olovo broj 2/07 i 4/08), te Odluke o građevinskom zemljištu broj: 01-01-3-1971/08 od 30.04.2008. godine na sjednici održanoj dana 12.08.2013. godine, donijelo je

R J E Š E N J E

1. Dodjeljuje se **Kabaši Adnanu** iz Olova gradsko građevinsko zemljište označeno kao parcela broj **448/1** zvano Okućnica, dvorište stambeno poslovne zgrade u površini od **442 m² K.O. Olovo**, lokacija u I građevinskoj zoni.
2. **Kabaši Adnan iz Olova** dužan je platiti naknadu za zemljište iz tačke 1. ovog rješenja i to:
 - za dodijeljeno zemljište iznos od **48.620,00 KM** (izlicitirani iznos, slovima četrdesetosamhiljadašeststotinadvadeset KM) na žiro račun broj 3389002203184775 vrsta prihoda 811 111 kod UniCredit bank poslovnica Olovo i
 - za uređenje gradskog građevinskog zemljišta iznos od **5.083,00 KM** (pethiljadaosamdesettri KM) na žiro račun broj 3380002210027217 vrsta prihoda 722 433 kod Uni Credit bank poslovnica Olovo.
3. Troškove postupka u iznosu od 250,00 KM stranka je dužna uplatiti na žiro račun 3380002210027217 vrsta prihoda 722 449 kod Uni Credit bank poslovnica Olovo. Naknadu za dodijeljeno zemljište, uređenje zemljišta i troškove postupka stranka je dužna uplatiti **u roku od 15 dana** od dana prijema ovog rješenja.
4. Na zemljištu iz tačke 1. ovog rješenja, nakon uplate naloženih iznosa u tački 2. i 3. ovog rješenja, te pravosnažnosti istog, u zemljišnim knjigama Općinskog suda Visoko ZK ured ima se izvršiti **uknjižba prava svojine na ime Kabaši Adnana iz Olova sa 1/1 dijela. Parcela broj 448/1 predstavlja dvorište stambeno poslovne zgrade i čini zemljište za redovnu upotrebu objekta izgrađenog na parceli broj 448/2 K.O. Olovo.**

O b r a z l o ž e n j e

Uvidom u Izvod iz regulacionog plana Olovo – Centar utvrđeno je da je parcela broj 448/1 K.O. Olovo, po namjeni predviđena kao dvorište uz stambeno poslovni objekat i tako upisana i u ZK izvadak.

Zaključkom Općinskog vijeća Općine Olovo broj: 01-01-3-1552/13 od 17.05.2013. godine dozvoljeno je raspisivanje konkursa za dodjelu neizgrađenog gradskog građevinskog zemljišta na lokalitetu ispred stambeno poslovnog objekta Kabaši Adnana i to za parcelu broj 448/1 u površini od 442 m² K.O. Olovo novi premjer, te istim zaključkom određena početna cijena u iznosu od 110,00 KM/m².

Komisija za provođenje postupka prodaje nepokretnosti u vlasništvu Općine Olovo je pripremila konkurs za dodjelu neizgrađenog gradskog građevinskog zemljišta i to za parcelu 448/1 K.O. Olovo u površini od 442 m² ZK uložak broj 330 K.O. Olovo upisana sa pravom raspolaganja na Općinu Olovo i isti je objavljen u dnevnom listu "Oslobođenje" dana 08.06.2013. godine, Radio Olovu i oglasnoj ploči Općine Olovo i ostao je otvoren 15 dana od dana objave.

Nakon zatvaranja konkursa i razmatranja pristiglih ponuda, Komisija je dana 27.06.2013. godine donijela Zaključak broj 01-01-3-1557-2/13 kojim je zaključeno da je dostavljena jedna ponuda od strane

Kabaši Adnana iz Olova, kojom nudi cijenu za otkup u iznosu do 48.620,00 KM (110 KM/m²), te Komisija predlaže da se rješenje o dodjeli zemljišta – parcele broj 448/1 u površini od 442 m² K.O. Olovo dodijeli istom.

Dana 01.07.2013. godine na adresu Službe za ekonomske poslove dostavljen je spis o provedenom postupku dodjele gradskog građevinskog zemljišta, da Služba pripremi prijedlog rješenja za Općinsko vijeće.

Po prijemu spisa, Služba je pripremila nacrt rješenja, a shodno odredbama član 16. Zakona o građevinskom zemljištu dana 08.07.2013. godine pismenim aktom broj 01-01-3-1557-4/13 od strane Općinskog vijeća Olovo zatraženo je mišljenje Zajedničkog Općinskog pravobranilaštva Vareš i Olovo kojim se traži potvrda da je predložena dodjela u skladu sa važećim zakonima, te da su procedure koje predviđa zakon ispoštovane u cjelosti i da se daje saglasnost na nacrt Odluke o dodjeli gradskog građevinskog zemljišta parcele 448/1 u površini od 442 m² K.O. Olovo.

Dana 10.07.2013. godine Zajedničko Općinsko pravobranilaštvo Vareš i Olovo dostavilo je mišljenje broj: M-7/13, kojim potvrđeno nakon uvida u dostavljenu dokumentaciju da je postupak raspisivanja konkursa i provođenje procedure nakon objave, kao i postupak izbora ponuđača u cijelosti proveden u skladu sa pozitivnim zakonskim propisima.

Predmeta dodjela izvršena shodno predviđenoj proceduri po članu 44. i 45. Zakona o građevinskom zemljištu («Službene novine Federacije BiH», broj 25/03).

Naknada za dodijeljeno zemljište i naknada za uređenje gradskog građevinskog zemljišta određena shodno članu 62., 64. 70. 71. i 72. Zakona o građevinskom zemljištu, te na osnovu Odluke o građevinskom zemljištu Općine Olovo broj 01-01-3-1971/08 od 30.04.2008. godine.

Ovo rješenje je konačno u upravnom postupku i protiv njega se ne može izjaviti žalba, ali se može pokrenuti upravni spor podnošenjem tužbe kod Kantonalnog suda Zenica, u roku od 30 dana od dana prijema ovog rješenja.

Tužba se podnosi neposredno sudu.

Dostavljeno:

1. Adnan Kabaši Olovo,
2. Služba za ekonomske poslove 2x,
3. Zajedničko Općinsko pravobranilaštvo
Vareš i Olovo ovdje,
4. ZK ured nakon pravosnažnosti,
5. Katastar,
6. Evidencija,
7. a/a

PREDSJEDAVAJUĆI
OPĆINSKOG VIJEĆA

Izudin Kućanović, dr. med. s.r.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE**

Broj: 01-01-3-1289/13

Datum, 12.08.2013. godine

Općinsko vijeće Općine Olovo rješavajući po ponudi Jagode Hadžiabdić iz Olova za otkup neizgrađenog gradskog građevinskog zemljišta, na osnovu člana 25. stav 3. Zakona o građevinskom zemljištu («Službene novine Federacije BiH», broj 25/03) i člana 18. Statuta Općine Olovo («Službeni glasnik Općine Olovo», 2/07 i 4/08) na sjednici održanoj dana 12.08.2013. godine, d o n o s i

ZAKLJUČAK

NE PRIHVATA SE PONUDA ZA PREUZIMANJE gradskog građevinskog zemljišta označenog kao parcela broj 877 zvana Krein gaj šuma 3 klase u površini od 4621 m² i parcela broj 878 zvana Krein gaj livada 4 klase 1766 m², livada 5 klase 2527 m² i neplodno 12 m² što čini ukupnu površinu od 4305 m² upisane u K.O. Olovo ZK uložak broj 519 na ime Hadžiabdić (Rizaha) Jagode rođ. Degirmandžić sa 1/1 dijela sa privremenim pravom korištenja zemljištem, pravom raspolaganja u korist Općine Olovo.

Hadžiabdić Jagoda može privremeno pravo korištenja prenijeti na treće lice, ali ne po nižoj cijeni od one koju je ponudila Općini Olovo, a to je cijena od 4 KM/m².

O b r a z l o ž e n j e

Hadžiabdić Jagoda iz Olova je dana 14.06.2013. godine Općinskom vijeću Općine Olovo dostavila pismenu ponudu za otkup neizgrađenog gradskog građevinskog zemljišta označenog kao parcela broj 877 zvana Krein gaj šuma 3 klase u površini od 4621 m² i parcela broj 878 zvana Krein gaj livada 4 klase 1766 m², livada 5 klase 2527 m² i neplodno 12 m² što čini ukupnu površinu od 4305 m² upisane u K.O. Olovo ZK uložak broj 519 na ime Hadžiabdić Jagode sa 1/1 dijela.

Na navedenom zemljištu imenovana ima privremeno pravo korištenja, a shodno Izvodu iz

Regulacionog plana «Gornje Olovo i Jasen» radi se o zemljištu koje nije obuhvaćeno Regulacionim planom, odnosno planom parcelacije.

Otkup predmetne parcele Općini Olovo Hadžiabdić Jagoda ponudila je po cijeni od 4,00 KM/m².

Kako Općina Olovo nije zainteresovana za otkup predmetne parcele odlučeno je kao u dispozitivu ovog zaključka.

Dostavljeno:

1. Hadžiabdić Jagoda Olovo,
2. Službi za ekonomske poslove 2x,
3. Katastru,
4. Evidencija,
5. a/a

**PREDSJEDAVAJUĆI
OPĆINSKOG VIJEĆA**

Izudin Kućanović, dr. med. s.r.



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO**

OPĆINSKO VIJEĆE

Broj: 01-01-3-2237/13
Datum: 12.08.2013. godine

Na osnovu člana 18. Statuta općine Olovo ("Službeni glasnik općine Olovo", broj: 2/07 i 4/08), Općinsko vijeće Olovo na sjednici održanoj dana 12.08.2013.godine, **d o n i j e l o j e**

R J E Š E N J E **o imenovanju predstavnika ispred Općinskog vijeća u komisiju** **za kategorizaciju javnih cesta**

I

U Općinsku komisiju za kategorizaciju javnih cesta na području općine Olovo, ispred Općinskog vijeća imenuje se vijećnik:

Karić Selvedin

II

Ovo Rješenje stupa na snagu danom donošenja a i biti će objavljeno u "Službenom glasniku Općine Olovo".

Dostaviti:

1. Karić Selvedin
2. Općinski Načelnik
3. Služ. za ekon. posl.
4. Općinsko vijeće
5. a/a

**PREDSJEDAVAJUĆI
OPĆINSKOG VIJEĆA**

Izudin Kućanović, dr.med. s.r.



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE

Broj: 01-01-3-2242/13

Datum: 12.08.2013. godine

Na osnovu člana 4. stav 2. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH”, broj: 12/03 i 34/03) i člana 18. Statuta Općine Olovo, („Službeni glasnik Općine Olovo” broj: 2/07 i 4/08) i člana 10. i 22. Odluke o osnivanju Javnog preduzeća „Šumsko-privredno društvo Šumarstvo Vareš i Olovo” d.o.o. Vareš, broj: 01-202/13 i broj: 01-01-3-1922/13 Općinsko vijeće Olovo, na IX redovnoj sjednici održanoj 12.08.2013. godine, **d o n o s i**

R J E Š E N J E

**o imenovanju vršilaca dužnosti članova Skupštine Javnog preduzeća
„Šumsko-privredno društvo Šumarstvo Vareš i Olovo” d.o.o. Vareš**

I

Ovim rješenjem vrši se imenovanje vršilaca dužnosti članova Skupštine JP „Šumsko-privredno društvo Šumarstvo Vareš i Olovo” d.o.o. Vareš (u daljem tekstu: Skupština društva), i to:

1. **Muminović Amir**, vršilac dužnosti člana Skupštine,
2. **Hadžiabdić Esed**, vršilac dužnosti člana Skupštine,
3. **Sirćo Nusret**, vršilac dužnosti člana Skupštine.

II

Vršioци dužnosti iz tačke I ovog Rješenja, imenuju se na period do donošenja Rješenja o konačnom imenovanju, a najviše na dva (2) mjeseca.

III

Rješenje stupa na nagu danom donošenja i bit će objavljeno u „Službenom glasniku Općine Olovo“

**PREDSJEDAVAJUĆI
OPĆINSKOG VIJEĆA**

Izudin Kućanović, dr.med. s.r.

S A D R Ž A J

strana

1. Odluka o preuzimanju prava osnivača JU Dom zdravlja Olovo	1
2. Odluka o visini naknade za korištenje taksistajališta na području Općine Olovo	8
3. Odluka o izmjenama i dopunama Reg. Plana, lokalitet kod stadiona brisanje parkiga	9
4. Odluka o izmjenama i dopunama Reg. Plana, lokalitet ispred robne kuće ljetnja bašta	10
5. Odluka o izmjenama i dopunama Reg. Plana, lokalitet ugostiteljski objekat Film	11
6. Odluka o izmjenama i dopunama Reg. Plana, stamb. Objekat Višnjić Dobrila	12
7. Odluka o produženju mandata privremenom UO Dom zdravlja	13
8. Rješenje o preuzimanju iz posjeda grd.građ.zemljišta od Biogradlija Abdulaziz	14
9. Rješenje o preuzimanju iz posjeda poslovnog objekta od Ljilja Aljita	16
10. Rješenje o dodjeli neizr. grd.građ. zemljišta Kabaši Adnanu	18
11. Zaključak o ne prihvatanju ponude za kupnju grads. građ zemljišta od Degirmendžić Jagode	20
12. Rješenje o imenovanju predstavnika ispred OV u komisiju za kategorizaciju cesta	21
13. Rješenje o imenovanju v.d.članova Skupštine JP ŠPD Vareš I Olovo	22

Ovaj Službeni glasnik istaknut je na Oglasnoj tabli
Općine Olovo dana **22.08.2013.godine.**

Ovjerava:
SEKRETAR
OPĆINSKOG VIJEĆA

Zijad Karić, dipl. pravnik,